



CONCELLO DE SAN SADURNIÑO (A Coruña)  
correo@sansadurnino.dicoruna.es  
R.E.L. n\_ 1575001. N.I.F.: P1507700A

Avda. Marqués de Figueroa, s.n.  
15560-SAN SADURNIÑO  
Telf.: 981 495 205-Fax: 981 490474

## ANUNCIO

O Pleno deste Concello, na sesión celebrada o pasado día 3 de novembro de 2007, acordou aprobar provisionalmente a modificación ou reformulación das Ordenanzas Fiscais que seguidamente se indicarán. Exposta ó público a devandita aprobación provisional, mediante publicación de anuncio no BOP nº 258, do 8 de novembro de 2007, sen que se presentase reclamación ou alegación algunha, mediante o presente publícanse os textos íntegros desas Ordenanzas Fiscais, que son os seguintes:

### **ORDENANZA FISCAL Nº 9** **REGULADORA DA TAXA POR LICENZA DE APERTURA** **DE ESTABLECEMENTOS.**

Artigo 1º.- Fundamento e natureza.

En aplicación do disposto nos artigos 15 a 27 e 58 do Texto Refundido da Lei de Facendas Locais, aprobado por Real Decreto Legislativo 2/2004 de 5 de marzo, este Concello establece a exacción da taxa por expedición de licenzas de apertura de establecementos, que se rexirá pola presente ordenanza fiscal.

Artigo 2º.- Feito imponible.

Constitúe o feito imponible da taxa a actividade municipal, tanto técnica como administrativa, tendente a verificar se os establecementos comerciais, industriais e mercantis reúnen as condicións de solidez, salubridade, sanidade e calesqueira outras esixidas pola normativa aplicable, como condición previa e necesaria para o otorgamento polo Concello da preceptiva licenza de apertura, así como para a modificación das circunstancias e condicións de funcionamento de esos establecementos.

Os efectos do establecido no presente artigo, quedan configurados como feitos imponibles os seguintes:

- 1.- A instalación por vez primeira do establecemento para dar comezo as súas actividades.
- 2.- Os cambios de titularidade do establecemento.
- 3.- As variacións ou modificacións da actividade desenrolada no establecemento.
- 4.- As ampliacións ou reformas que se leven a cabo no local sede do establecemento e que afecten ás condicións referidas no parágrafo primeiro do presente artigo.

Artigo 3º.- Suxeito pasivo.

Son suxeitos pasivos contribuintes as persoas físicas e xurídicas e as entidades a que se refire o artigo 33 da Lei Xeral Tributaria, titulares da actividade que se pretende desenrolar mediante a apertura do establecemento.

Artigo 4º.- Responsables.

Responderán solidariamente das obrigacións tributarias do suxeito pasivo as persoas físicas ou xurídicas a que se refiren os artigos 38-1 e 39 da Lei Xeral Tributaria.

Serán responsables subsidiarios os administradores das sociedades e os síndicos, interventores ou liquidadores de quebra, concursos, sociedades e entidades en xeral, nos supostos e co alcance que señala o artigo 49 da Ley Xeral Tributaria.

Artigo 5º.- Base imponible.

Constitúe a base imponible da taxa reguladora pola presente ordenanza fiscal a cota do imposto sobre actividades económicas que corresponda ó establecemento obxeto da licenza.

Artigo 6º.- Cota tributaria.

1.- A cota aplicable será a seguinte, para o feito imponible previsto no epígrafe 1 do artigo 2º.:

Licenzas de tramitación ordinaria:

- Para establecementos cuxa superficie non exceda de 50 m<sup>2</sup> : 150 €

- Por cada m<sup>2</sup> que exceda de 50: 1 €

Licenzas de tramitación especial, para actividades molestas, insalubres, nocivas ou perigosas:

- Para establecementos cuxa superficie non exceda de 50 m<sup>2</sup>: 300 €

- Por cada m<sup>2</sup> que exceda de 50: 2 €

2.- As anteriores tarifas actualizaranse anualmente e de forma automática segundo o índice de prezos ó consumo (IPC) publicado polo Instituto Nacional de Estatística.

Artigo 7º.- Exencións e bonificacións.

Non se concederá exención ni bonificación algunha na exacción da presente taxa.

Artigo 8º.- Devengo.

Devengase a taxa, e nace a obrigaçión de pago no momento de presentar a solicitude de otorgamento da licenza de que se trate nas oficinas do Concello, liquidándose con carácter de depósito previo, en aplicación do establecido no artigo 26 da Lei 39/1988. O pago da cota da presente taxa será requisito necesario para a tramitación do correspondente expediente polo Concello.

Cando a apertura tivera lugar sin obter a preceptiva licenza, a taxa devengarase cando se inicie efectivamente a actividade municipal necesaria para determinar se o establecemento reúne ou non as condicións esixibles, con independencia do resultado de esa actividade.

Artigo 9º.- Infraccións e sancións.

En tódolo relativo á calificación de infraccións tributarias, así como ás sancións que ás mesmas correspondan en cada caso, estarase ó disposto nos artigos 77 e seguintes da Lei Xeral Tributaria.

### **Disposición Final.**

A presente ordenanza fiscal entrará en vigor o día seguinte da súa publicación no Boletín Oficial da Provincia, e comezará a aplicarse a partir do día primeiro de xaneiro de 2008, permanecendo en vigor ata a súa modificación ou derogación expresas.